

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 17 MAC 2015, PUKUL 10.00 PAGI

Bil. 6

PERTANYAAN-PERTANYAAN BAGI JAWAB LISAN

1. PR-1331-L67104
Datuk Seri Panglima Haji Abdul Ghapur bin Haji Salleh [Kalabakan] minta **MENTERI KESIHATAN** menyatakan apakah kaedah tertentu yang diguna pakai oleh Kementerian dalam mengawal harga ubat-ubat khususnya ubat-ubat untuk penyakit kronik yang perlu diambil untuk jangka masa yang panjang.
2. PR-1331-L66334
Dr. Tan Seng Giaw [Kepong] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan perkembangan yang sebenarnya cadangan projek insinerator terkini di Taman Beringin, Kepong.
3. PR-1331-L66500
Tuan Anuar bin Abd. Manap [Sekijang] minta **MENTERI BELIA DAN SUKAN** menyatakan:-
 - (a) apakah Kementerian bercadang melaksanakan Program Fit Malaysia ke seluruh pelosok negara, sebagai contoh seminggu sekali di setiap daerah; dan
 - (b) adakah Kementerian bercadang melaksanakan kerjasama dengan Kementerian Kesihatan demi mewujudkan budaya gaya hidup sihat di kalangan rakyat.
4. PR-1331-L65519
Dato' Fauzi bin Abdul Rahman [Indera Mahkota] minta **PERDANA MENTERI** menyatakan pemberian gelaran Datuk yang tidak diiktiraf di Malaysia dan apakah kriteria penganugerahan pingat atau bintang kebesaran negeri dan persekutuan.

5. PR-1331-L66354
Dato' Haji Abdul Rahman bin Haji Mohamad [Lipis] minta **MENTERI KEMAJUAN LUAR BANDAR DAN WILAYAH** menyatakan tarikh pelaksanaan projek untuk membina kediaman tetap di bawah Projek Pemajuan Kawasan (PPK) secara berperingkat di beberapa pos penempatan Orang Asli kawasan luar bandar yang dapat memberikan impak terhadap pembangunan ekonomi berasaskan pertanian dan pelancongan.
6. PR-1331-L65957
Dr. Che Rosli bin Che Mat [Hulu Langat] minta **MENTERI SUMBER MANUSIA** menyatakan:-
 - (a) jumlah sebenar pekerja asing di negara kita; dan
 - (b) usaha yang dibuat bagi menempatkan kembali pekerja tempatan dalam pelbagai sektor pekerjaan dan langkah mengurangkan pekerja asing secara berperingkat.
7. PR-1331-L67145
Puan Hajah Normala binti Abdul Samad [Pasir Gudang] minta **MENTERI KERJA RAYA** menyatakan bilakah projek menaik taraf Lebuhraya Pasir Gudang Fasa 2 akan dimulakan. Berapa lama tempoh masa yang akan diambil bagi memastikan kerja-kerja tersebut siap dilaksanakan.
8. PR-1331-L66659
Tuan Loke Siew Fook [Seremban] minta **MENTERI KOMUNIKASI DAN MULTIMEDIA** menyatakan jumlah kutipan derma melalui SMS daripada orang ramai untuk Tabung Kemanusiaan Komunikasi dan Multimedia Malaysia yang dilancarkan pada 24 Disember 2014 dan bagaimanakah sumbangan tersebut disalurkan kepada mangsa-mangsa banjir.
9. PR-1331-L66078
Datuk Noor Ehsanuddin bin Mohd Harun Narrashid [Kota Tinggi] minta **MENTERI SUMBER MANUSIA** menyatakan adakah Kementerian mempunyai pelan pembangunan strategik untuk membangunkan modul latihan dan subjek kemahiran berasaskan industri spesifik seperti di dalam *Industry Oil and Gas* yang boleh diajar di kolej-kolej vokasional dan kolej-kolej komuniti yang berdaftar di bawah Kementerian.
10. PR-1331-L66381
Tuan Sim Chee Keong [Bukit Mertajam] minta **MENTERI PEMBANGUNAN WANITA, KELUARGA DAN MASYARAKAT** menyatakan statistik wanita di peringkat pengurusan dan lembaga pengarah di sektor awam dan sektor swasta ikut pecahan jawatan.
11. PR-1331-L67035
Datuk Wee Jeck Seng [Tanjong Piai] minta **MENTERI BELIA DAN SUKAN** menyatakan kos perbelanjaan yang diperuntukkan oleh Kementerian kepada setiap seorang atlet merangkumi elaun harian, makanan, penginapan dan lain-lain kos yang terlibat.

12. PR-1331-L66697
Tuan Shamsul Iskandar bin Mohd Akin [Bukit Katil] minta **MENTERI KESIHATAN** menyatakan:-
- (a) adakah bayi yang tidak menerima vaksinasi akan membahayakan diri mereka dan juga kanak-kanak lain apabila "*herd immunity*" terhadap sesuatu penyakit berjangkit berkurangan ; dan
 - (b) bagaimana Kementerian Kesihatan menangani masalah golongan ibu bapa yang menolak pemberian vaksinasi kepada bayi mereka terutamanya ibu bapa yang aktif menggunakan media dan laman sosial untuk tujuan penolakan tersebut.
13. PR-1331-L65778
Tuan Wilson Ugak Kumbong [Hulu Rajang] minta **MENTERI KEMAJUAN LUAR BANDAR DAN WILAYAH** menyatakan status projek solar hibrid yang terbengkalai di Long Kajang Dan Lusong Laku.
14. PR-1331-L66889
Dr. Haji Izani bin Haji Husin [Pengkalan Chepa] minta **MENTERI KEWANGAN** menyatakan jumlah kutipan cukai oleh Kerajaan Persekutuan di Kelantan mengikut jabatan-jabatan dari tahun 2010 hingga 2014.
15. PR-1331-L65897
Datuk Madius Tangau [Tuaran] minta **MENTERI DALAM NEGERI** menyatakan adakah Laporan RCI Mengenai Pendatang Asing Tanpa Izin di Sabah telah membantu memperjelaskan faktor-faktor kenapa pertumbuhan penduduk Sabah yang sangat luar biasa sepanjang dekad 80-an dan 90-an, jika ya, apakah penjelasan tentang penyebab utama pertumbuhan penduduk yang luar biasa tersebut.
16. PR-1331-L66401
Puan Nurul Izzah binti Anwar [Lembah Pantai] minta **MENTERI BELIA DAN SUKAN** menyatakan kegagalan Malaysia di temasya sukan antarabangsa seperti Sukan Komanwel dan Olimpik berbanding dengan negara-negara yang mempunyai peruntukan dana lebih kecil berbanding Malaysia, seperti Mongolia yang cuma memperuntukkan USD2 juta bagi sukan Olimpik 2012, tetapi memenangi 2 pingat emas.
17. PR-1331-L65394
Tuan Khoo Soo Seang [Tebrau] minta **MENTERI DALAM NEGERI** menyatakan sama ada Kementerian bercadang untuk mengadakan kaunter khas untuk Orang Kurang Upaya, Warga Emas dan Ibu Hamil di kaunter pemeriksaan pejalan kaki/penumpang bas di laluan imigresen Johor Bahru.
18. PR-1331-L65493
Dato' Takiyuddin bin Hassan [Kota Bharu] minta **MENTERI KESIHATAN** menyatakan langkah Kementerian membina semua hospital di negeri Kelantan di kawasan tinggi yang terhindar daripada banjir.

19. PR-1331-L66039
Datuk Aaron Ago anak Dagang [Kanowit] minta **PERDANA MENTERI** menyatakan projek-projek infrastruktur dan peruntukannya yang telah diluluskan oleh kerajaan pusat untuk negeri Sarawak dalam tahun 2015.
20. PR-1331-L65558
Tuan Fong Kui Lun [Bukit Bintang] minta **MENTERI WILAYAH PERSEKUTUAN** menyatakan kedudukan peniaga-peniaga warga asing yang mula bertapak dan bertambah di Kuala Lumpur dan apakah tindakan penguatkuasaan yang dilakukan.
21. PR-1331-L65534
Tuan Nogeh anak Gumbek [Mas Gading] minta **MENTERI KERJA RAYA** menyatakan adakah Kerajaan mempunyai perancangan untuk membina dan menyediakan lampu-lampu jalan di sepanjang jalan daripada Pasar Batu 7 Kuching ke Pekan Bau.
22. PR-1331-L66193
Tuan Oscar Ling Chai Yew [Sibü] minta **MENTERI KEWANGAN** menyatakan kesan GST kepada rakyat Malaysia, bagaimana BR1M sedia untuk membantu. Apakah impak kemerosotan nilai ringgit terhadap masyarakat, dan langkah yang akan diambil untuk mengatasinya.
23. PR-1331-L65769
Datuk Bung Moktar bin Radin [Kinabatangan] minta **MENTERI KERJA RAYA** menyatakan apakah status pelaksanaan dan pembangunan Lebuhraya Pan Borneo seperti yang telah diumumkan oleh Kerajaan dalam pembentangan Belanjawan 2015.
24. PR-1331-L65473
Dato' Kamarul Baharin bin Abbas [Telok Kemang] minta **PERDANA MENTERI** menyatakan:-
 - (a) perancangan Kerajaan dalam pembukaan tanah-tanah untuk peneroka baru setelah pembukaan tanah-tanah baru untuk diterokai dihentikan oleh Kerajaan pada 1 Januari 1990; dan
 - (b) nyatakan sebab-sebab Kerajaan menghentikan pembukaan tanah-tanah baru ini.
25. PR-1331-L67326
Datuk Rozman bin Isli [Labuan] minta **MENTERI KESIHATAN** menyatakan adakah Kementerian bersedia untuk menaik-taraf Hospital Labuan menjadi pusat pakar penuh memandangkan Labuan adalah pusat kewangan dan hab minyak dan gas bertaraf antarabangsa selain ianya sebuah pulau berpenduduk lebih kurang 100 ribu orang.
26. PR-1331-L67353
Tuan Mohamed Hanipa bin Maidin [Sepang] minta **MENTERI KEWANGAN** menyatakan apakah langkah-langkah konkrit yang telah diambil oleh Bank Negara Malaysia bagi mengelak serangan oleh pensabotaj ekonomi (*economic saboteurs*) ke atas ringgit berulang seperti krisis kewangan tahun 1997.

27. PR-1331-L65597
Dato' Abdul Manan bin Ismail [Paya Besar] minta **PERDANA MENTERI** menyatakan jumlah kerugian besar akibat banjir yang berlaku baru-baru ini serta jumlah bantuan yang telah dikeluarkan oleh Kerajaan Pusat dalam meringankan beban mangsa banjir di negeri yang terlibat.
28. PR-1331-L66308
Tuan Wong Sze Phin @ Jimmy [Kota Kinabalu] minta **MENTERI TENAGA, TEKNOLOGI HIJAU DAN AIR** menyatakan adakah Tenaga Nasional Berhad mengutip sumbangan modal (*capital contribution*) ke atas pemasangan elektrik satu projek perumahan apabila siap dibina seperti dikutip oleh SESB di negeri Sabah. Apakah rasional menentukan bayaran tersebut yang didakwa akan meningkatkan kos pembinaan setiap rumah yang baru.
29. PR-1331-L66019
Dato' Shamsul Anuar bin Haji Nasarah [Lenggong] minta **MENTERI PENGANGKUTAN** menyatakan:-
- (a) kesan daripada pengisytiharan status mangsa MH370; dan
 - (b) kedudukan dan situasi terkini usaha penstrukturan semula MAS sebagaimana yang diumumkan Kerajaan.
30. PR-1331-L66261
Dato' Mohd Ariff Sabri bin Abdul Aziz [Raub] minta **MENTERI TENAGA, TEKNOLOGI HIJAU DAN AIR** menyatakan:-
- (a) berapakah nilai penurunan untung kepada TNB akibat penurunan tarif yang dijangka dilaksanakan pada bulan Mac ini; dan
 - (b) adakah Kementerian bercadang mengurangkan pembelian tenaga daripada IPP.
31. PR-1331-L66875
Datuk Jumat bin Idris [Sepanggar] minta **MENTERI DALAM NEGERI** menyatakan:-
- (a) sejauh manakah Kerajaan memandang serius atas gerakan Sabah Sarawak Keluar Malaysia (SSKM) dan sejauh manakah kumpulan ini mampu menjejaskan keselamatan negara; dan
 - (b) apakah hasil siasatan setelah beberapa individu yang terlibat dengan gerakan SSKM ini dan apakah tindakan yang diambil.
32. PR-1331-L67156
Tuan Gobind Singh Deo [Puchong] minta **MENTERI KERJA RAYA** menyatakan sama ada ataupun tidak Kerajaan sedia untuk melaksanakan kajian berkenaan masalah trafik yang serius di kawasan Parlimen Puchong khususnya di Taman Equine dan apakah tindakan yang akan diambil untuk memperbaiki masalah tersebut.

33. PR-1331-L65401
Tuan Haji Mohd Fasiah bin Haji Mohd Fakeh [Sabak Bernam] minta **MENTERI PENDIDIKAN** menyatakan sejauh manakah kerjasama strategik antara Institusi Pengajian Tinggi Awam (IPTA) dan Institusi Pengajian Tinggi Swasta (IPTS) telah dilaksanakan dan sejauh manakah ia memberikan manfaat kepada pembangunan pendidikan pengajian tinggi negara serta IPTA berkenaan.
34. PR-1331-L65996
Datuk Nur Jazlan bin Mohamed [Pulai] minta **PERDANA MENTERI** menyatakan jumlah rumah yang sudah dan sedang dibina PR1MA serta jumlah kos yang sudah dan akan dibelanjakan dalam tempoh lima tahun akan datang sehingga 2018.
35. PR-1331-L66206
Datuk Zahidi bin Zainul Abidin [Padang Besar] minta **MENTERI PELANCONGAN DAN KEBUDAYAAN** menyatakan jumlah tajuk dan kos pembelian buku-buku karangan penulis tempatan serta jumlah penulis yang telah mendapat manfaat serta berjaya menerbitkan karya-karya bermutu tinggi untuk pembaca dalam serta luar negeri hasil daripada pelaksanaan skim tersebut sejak ianya diperkenalkan.
36. PR-1331-L66832
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI PEMBANGUNAN WANITA, KELUARGA DAN MASYARAKAT** menyatakan:-
- (a) berapakah jumlah kes-kes permohonan Skim Bantuan Kebajikan Masyarakat yang masih belum diproses oleh Kementerian dalam usaha untuk membantu masyarakat setempat; dan
 - (b) tempoh jangka masa prosedur terbabit dalam mengetahui status penerimaan mahupun penolakan borang permohonan yang telah dihantar oleh pemohon bagi tujuan mendapatkan bantuan tersebut.
37. PR-1331-L65689
Datuk Dr. Makin @ Marcus Mojigoh [Putatan] minta **MENTERI DALAM NEGERI** menyatakan:-
- (a) asas penahanan "aktivis" SSKM di Sabah; dan
 - (b) adakah pihak Kerajaan sedia untuk menangani isu SSKM ini dengan kaedah pendekatan yang lain, selain menahan "aktivis-aktivis" ini.

38. PR-1331-L66122
Tuan Wong Chen [Kelana Jaya] minta **MENTERI KEWANGAN** menyatakan adakah Menteri sedia untuk mengarahkan 1MDB menjawab pertanyaan-pertanyaan daripada Ahli-ahli Dewan Rakyat berkenaan segala aktiviti-aktivitinya dalam satu persidangan khas Parlimen pada bulan Jun 2015.
39. PR-1331-L65652
Puan Hajah Zuraida binti Kamaruddin [Ampang] minta **MENTERI PENDIDIKAN** menyatakan perancangan segera operasi sekolah pasca banjir yang terlibat baru-baru ini.
40. PR-1331-L66445
Tuan Lim Lip Eng [Segambut] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan alasan-alasan Kerajaan tidak membenarkan pilihan raya kerajaan tempatan dan pandangan Kerajaan berhubung kajian *Akumulatif Dioxin Insinerator Tokyo* yang dijalankan oleh *Environment Research Institute* yang boleh didapati daripada <http://goo.gl/P9RZO> dan <http://goo.gl/i64of8>.
41. PR-1331-L67390
Tuan Liew Chin Tong [Kluang] minta **MENTERI PENGANGKUTAN** menyatakan secara terperinci jumlah nilai aset yang dipegang oleh Perbadanan Aset Keretapi (PAK) mengikut pecahan jenis-jenis aset dan juga bilangan penjawat awam tahap profesional di bawah PAK yang bertanggungjawab terhadap pengurusan aset tersebut.
42. PR-1331-L66854
Tuan Teo Kok Seong [Rasah] minta **MENTERI SAINS, TEKNOLOGI DAN INOVASI** menyatakan secara terperinci mengenai perkembangan terkini cadangan Projek Angkasawan Negara Ke-2 serta jumlah kakitangan atau pegawai yang bertugas di Agensi Angkasa Negara.
43. PR-1331-L66168
Datuk Wira Haji Ahmad bin Hamzah [Jasin] minta **MENTERI KEWANGAN** menyatakan:-
- (a) apakah penemuan utama *Forensic Audit Report* mengenai kerugian besar Syarikat Sime Darby sebanyak RM2.1 bilion; dan
 - (b) apakah tindakan "*preventive*" dan "*curative*" yang telah diambil dan mengapakah ia masih belum dibentangkan di Parlimen/diumumkan sepertimana yang dijanjikan.

44. PR-1331-L66396
Dato' Johari bin Abdul [Sungai Petani] minta **MENTERI DALAM NEGERI** menyatakan:-
- (a) adakah benar Syarikat Global Globe (M) Sdn. Bhd. yang beralamat di Ampang Selangor yang dianugerahkan Projek Pembinaan Ibu Pejabat Polis Kontinjen (IPK) Johor yang terbengkalai telah menerima sejumlah RM46 juta sebelum pembinaan IPK ini terhenti. Syarikat ini telah didenda sejumlah RM2.8 juta; dan
 - (b) bilakah projek ini akan disambung dan berapakah perbezaan kos tambahan yang akan dikeluarkan akibat daripada terhentinya projek ini kerana kegagalan syarikat tersebut dan sudahkah syarikat tersebut membayar denda ini.
45. PR-1331-L66535
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan nilai, tempoh, cagaran dan jenis pinjaman yang telah diambil oleh 1MDB Real Estate Sdn. Bhd. termasuk anak-anak syarikatnya, Bandar Malaysia Sdn. Bhd. dan KLIFD Sdn. Bhd. Apakah nilai pelaburan terkini oleh 1MDB ke atas kedua-dua projek ini.
46. PR-1331-L65807
Dr. Noor Azmi bin Ghazali [Bagan Serai] minta **MENTERI PENDIDIKAN** menyatakan keputusan PT3 yang baru diperkenalkan tahun 2014 mengejutkan pelbagai pihak dan menimbulkan banyak persoalan. Bagaimanakah Kementerian menangani sikap guru-guru penilaian dalam menghadapi PT3 dan sejauh manakah Kementerian boleh memastikan tidak ada pilih kasih dan berat sebelah dalam penilaian pelajar.
47. PR-1331-L67285
Tuan Haji Khalid bin Abdul Samad [Shah Alam] minta **MENTERI KEWANGAN** menyatakan status tuntutan semula pinjaman kewangan yang telah diberikan kepada Syarikat National Feedlot Corporation (NFC).
48. PR-1331-L66801
Tuan Nik Mohamad Abduh bin Nik Abdul Aziz [Pasir Mas] minta **MENTERI PENGANGKUTAN** menyatakan proses terkini penyiasatan terhadap nahas pesawat Malaysia Airline MH17 di sempadan Ukraine-Rusia.
49. PR-1331-L65443
Tuan Hee Loy Sian [Petaling Jaya Selatan] minta **PERDANA MENTERI** menyatakan:-
- (a) jumlah kos yang dibelanjakan bagi kajian pelaksanaan jana kuasa tenaga nuklear di negara ini; dan
 - (b) hasrat Kementerian untuk membatalkan rancangan yang melibatkan tenaga nuklear yang memudaratkan kesihatan dan alam sekitar.

50. PR-1331-L65542
Tuan Masir Kujat [Sri Aman] minta **MENTERI SUMBER ASLI DAN ALAM SEKITAR** menyatakan adakah Kementerian akan mengkaji Program Tebatan Banjir di Kampung Banting, Sri Aman yang sering mengalami hakisan tebing sungai yang teruk kebelakangan ini.
51. PR-1331-L67235
Tuan Haji Nasrudin bin Hassan [Temerloh] minta **MENTERI SAINS, TEKNOLOGI DAN INOVASI** menyatakan jumlah taburan hujan terutama di kawasan Hulu Pahang pada bulan Disember dan Januari 2014.
52. PR-1331-L66590
Tuan Zairil Khir Johari [Bukit Bendera] minta **MENTERI PERTANIAN DAN INDUSTRI ASAS TANI** menyatakan sama ada daging kerbau boleh diklasifikasikan sebagai daging "lembu" bagi tujuan penjualan kepada pengguna.
53. PR-1331-L66062
Tuan Ng Wei Aik [Tanjong] minta **MENTERI TENAGA, TEKNOLOGI HIJAU DAN AIR** menyatakan sama ada pertimbangan yang sewajarnya telah diberikan ke atas Petisyen Rakyat terhadap Tarif Elektrik Komersil Dikenakan oleh TNB ke atas Harta Bersama/Kemudahan Awam bagi Rumah Pangsa, Apartmen, Kondominium dan Segala Jenis Pemajuan Berstrata yang Tidak Bermotifkan Keuntungan yang dikemukakan oleh Ahli Parlimen Kawasan Tanjong pada 8 Disember 2014. Mengapa tarif elektrik komersial bagi tujuan tersebut tidak dapat diturunkan selaras dengan dasar penjimatan ICPT sebanyak 2.25 sen/kWj.
54. PR-1331-L67246
Tuan Julian Tan Kok Ping [Stampin] minta **MENTERI DALAM NEGERI** menyatakan keberkesanan "*Second-hand Dealers Act 1946*" dalam membanteras pencurian kabel di Sarawak setelah ia diterima pakai di Sarawak pada 2 April 2014. Senaraikan jumlah penangkapan serta penyiasatan.
55. PR-1331-L66482
Tuan Sim Tze Tzin [Bayan Baru] minta **MENTERI SUMBER MANUSIA** menyatakan tindakan susulan Kerajaan setelah barangan elektronik buatan Malaysia disenaraihitamkan sebagai barangan buatan buruh paksaan oleh Kerajaan Amerika Syarikat pada 1 Disember 2014. Nyatakan tindakan penguatkuasaan terhadap syarikat yang menggunakan buruh paksaan dan ejen-ejen pekerja asing.
56. PR-1331-L67194
Puan Kasthuriraani a/p Patto [Batu Kawan] minta **MENTERI PEMBANGUNAN WANITA, KELUARGA DAN MASYARAKAT** menyatakan sama ada kerajaan mempunyai rancangan untuk meningkatkan amaun bantuan kebajikan setelah GST di implementasi memandangkan ia akan menyebabkan peningkatan dalam kos sara hidup dan jika ya apakah peratusan peningkatan.

57. PR-1331-L67437
Dato' Ahmad Fauzi bin Zahari [Setiawangsa] minta **MENTERI KEWANGAN** menyatakan status dakwaan yang mengatakan terdapat individu yang menjadi dalang kepada kejatuhan nilai Ringgit Malaysia. Jika ia benar, apakah tindakan tegas yang dilakukan Kementerian ke atas individu tersebut.
58. PR-1331-L66851
Tuan Lim Guan Eng [Bagan] minta **MENTERI KEWANGAN** menyatakan kenapa wang pelaburan 1MDB sebanyak USD2.32 bilion di Cayman Islands tidak dikembalikan kepada Malaysia serta pembelian tanah seluas 234 ekar di Air Itam, Pulau Pinang sebanyak RM1.38 bilion adalah 95% lebih tinggi daripada nilai tanah. Apakah faedahnya pembelian ini kepada 1MDB serta nyatakan rancangan pembangunan 1MDB.
59. PR-1331-L66685
Dato' Ngeh Koo Ham [Beruas] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan kenapa gula putih yang sudah diproses dijual dengan harga runcit RM2.80 sekilo sementara harga gula jenis yang sama di pasaran antarabangsa hanya lebih kurang RM1.40 sekilo sahaja. Adakah Kementerian bercadang mengeluarkan beras dan gula daripada senarai barang-barang yang terkawal.
60. PR-1331-L66752
Tuan Chua Tian Chang @ Tian Chua [Batu] minta **MENTERI DALAM NEGERI** menyatakan perjanjian apa yang ditandatangani sehingga mewajibkan Malaysia membekalkan maklumat siasatan penjenayah kepada FBI. Apakah asas untuk menghantar surat sokongan untuk Paul Phua di tengah-tengah siasatan FBI. Apakah kerja yang dilakukan oleh Paul Phua untuk menjamin keselamatan negara.
61. PR-1331-L66317
Tuan Nga Kor Ming [Taiping] minta **MENTERI PENDIDIKAN** menyatakan bilakah masalah kekurangan guru di SJK(C) dan SJK(T) yang telah berlarutan begitu lama akan selesai.
62. PR-1331-L66981
Tuan Gooi Hsiao-Leung [Alor Setar] minta **MENTERI PERTANIAN DAN INDUSTRI ASAS TANI** menyatakan apakah mekanisme yang ditetapkan untuk memeriksa dan memantau kuantiti stok beras tempatan dan import yang disimpan oleh BERNAS, agen-agennya dan pengilang beras untuk memastikan tidak berlakunya lambakan lebihan beras tempatan yang tidak dijual.
63. PR-1331-L65859
Dato' Mansor bin Othman [Nibong Tebal] minta **MENTERI KEMAJUAN LUAR BANDAR DAN WILAYAH** menyatakan kadar pulangan pelaburan pasaran saham bagi pelaburan MARA Berhad dari tahun 2010 hingga 2014.

64. PR-1331-L66351
Tuan Lim Kit Siang [Gelang Patah] minta **PERDANA MENTERI** menyatakan mengapa tindakan tidak diambil terhadap Menteri Dalam Negeri yang mengutus surat kepada FBI memberikan jaminan dan sokongan rasmi pihak Kerajaan terhadap watak dan integriti seorang yang digelar raja perjudian, Paul Phua, tanpa persetujuan Ketua Polis Negara, Kementerian Luar Negeri serta Ahli-ahli Jemaah Menteri.
65. PR-1331-L65919
Puan Alice Lau Kiong Yieng [Lanang] minta **MENTERI KERJA RAYA** menyatakan:-
- (a) apakah status projek Jalan Pan Borneo dan jumlah yang akan diperuntukkan untuk tujuan pengiktirafan Jalan Pan Borneo dalam tahun 2015; dan
 - (b) adakah projek ini akan dilaksanakan oleh pihak swasta dan sama ada ia akan dikenakan tol selepas siap projek.
66. PR-1331-L65466
Dr. Azman bin Ismail [Kuala Kedah] minta **MENTERI SUMBER MANUSIA** menyatakan bagaimanakah pekerja dari Korea Utara boleh bekerja di Malaysia. Atas alasan apakah kita membenarkan warganegara Korea Utara bekerja di Malaysia.
67. PR-1331-L65701
Datuk Seri Noh bin Haji Omar [Tanjong Karang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan tindakan Kementerian dalam meningkatkan tahap keselamatan di kawasan perumahan bertingkat tinggi seperti apartmen, flat dan kondominium untuk mengelakkan daripada berlakunya kes kanak-kanak jatuh dari balkoni seperti yang kerap berlaku baru-baru ini.
68. PR-1331-L66964
Tuan Er Teck Hwa [Bakri] minta **MENTERI KEWANGAN** menyatakan statistik setiap tahun dari 2010 hingga 2014 berapakah barang-barang yang di seludup masuk terutama rokok dan mercun, berapakah suspek yang telah disiasat, didakwa, dijatuhkan hukuman dan dibebaskan serta berapakah barang bukti yang telah dimusnahkan atau masih disimpan.
69. PR-1331-L67423
Dato' Sri Azalina binti Dato' Othman Said [Pengerang] minta **MENTERI KEMAJUAN LUAR BANDAR DAN WILAYAH** menyatakan adakah pihak Kementerian maklum akan keadaan Jeti Pasir Gogok yang sangat daif dan mampu mengundang bahaya kepada pengguna yang menggunakannya kerana keadaan kayu yang rosak, jeti yang bahaya dan tiada penyelenggaraan yang baik.

70. PR-1331-L66232
Puan Teresa Kok Suh Sim [Seputeh] minta **MENTERI KEWANGAN** menyatakan apakah fi perkhidmatan yang dibayar oleh penduduk di kondominium dan rumah berstrata kelas menengah dan mewah dikehendaki untuk membayar GST memandangkan perkhidmatan bukan untuk mengaut keuntungan. Apakah yayasan dan badan kebajikan yang menerima pendapatan yang melebihi RM500,000 setahun juga dikehendaki membayar GST.
71. PR-1331-L67178
Datuk Ikmal Hisham bin Abdul Aziz [Tanah Merah] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah alasan yang diberikan pemborong dan pembekal apabila mereka tidak mahu menurunkan harga barangan sehingga ia menyebabkan peniaga menjual dalam harga tinggi kepada pengguna.
72. PR-1331-L67129
Tan Sri Dato' Sri Dr. Jamaluddin bin Mohd Jarjis [Rompin] minta **MENTERI PERTANIAN DAN INDUSTRI ASAS TANI** menyatakan apakah usaha-usaha pihak Kementerian dalam mengawal kenaikan kos harga barangan khususnya barangan hasil pertanian setelah mengambil kira kos pengangkutan, kos pengedaran yang sedikit sebanyak menyumbang kepada kenaikan harga barangan tersebut.
73. PR-1331-L67381
Datuk Joseph Salang anak Gandum [Julau] minta **PERDANA MENTERI** menyatakan tentang pencapaian dasar mengurangkan identifikasi kaum dengan kerjaya masing-masing, misalnya orang Cina berniaga, orang Melayu menjadi kakitangan kerajaan dan sebagainya.
74. PR-1331-L66776
Datuk Juslie bin Ajirol [Libaran] minta **MENTERI KESIHATAN** menyatakan:-
- (a) jumlah peruntukan untuk membaik pulih hospital Kerajaan dan membina semula Klinik Kesihatan yang musnah akibat bencana banjir besar di negara ini; dan
 - (b) berapakah jumlah Klinik Kesihatan yang di baik pulih dan bina baru di Parlimen Libaran.
75. PR-1331-L66678
Tuan Haji Hasbi bin Haji Habibollah [Limbang] minta **MENTERI PENDIDIKAN** menyatakan apakah Kementerian bercadang untuk membina sekolah SK berpusat untuk menggantikan sekolah-sekolah di sepanjang Sungai Limbang yang dijangka kerap dilanda banjir akibat pemanasan global dan faktor-faktor cuaca yang lain.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Datuk Seri Noh bin Haji Omar [Tanjong Karang]** dan masalah dicadangkan :-

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Ketiga, Parlimen Yang Ketiga Belas.”

Menyambung semula Perbahasan atas masalah (16 Mac, 2015)

- | | | | |
|----|----------------|--|-------------------------------|
| 2. | (D.R. 24/2014) | Rang Undang-undang Dadah Berbahaya (Pindaan) (No.2) 2014

[Menteri Kesihatan] | Bacaan Kali Yang Kedua |
| 3. | (D.R. 29/2014) | Rang Undang-undang Pendidikan (Pindaan) 2014

[Menteri Pendidikan] | “ |
| 4. | (D.R. 26/2014) | Rang Undang-undang Perhubungan Perusahaan (Pindaan) 2014

[Menteri Sumber Manusia] | “ |
| 5. | (D.R. 30/2014) | Rang Undang-undang Teknologis dan Juruteknik 2014

[Menteri Sains, Teknologi dan Inovasi] | “ |
| 6. | (D.R. 23/2014) | Rang Undang-undang Ahli Parlimen (Saraan) (Pindaan) 2014

[Perdana Menteri] | “ |

7. Menteri Kewangan akan mencadangkan :-

"Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut."

8. PR-1331-U65762

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

[Perdana Menteri]

9. PR-1331-U65853

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka

menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

[Menteri Dalam Negeri]

10. PR-1331-U65760

Tuan M. Kulasegaran [Ipoh Barat] akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

11. PR-1331-U66345

Dr. Tan Seng Giaw [Kepong] akan mencadangkan:-

"Bahawa Dewan ini membahaskan banjir besar di negara."

[Perdana Menteri]

12. PR-1331-U66346

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan gerakan militan di Malaysia."

[Menteri Dalam Negeri]

13. PR-1331-U67135

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

14. PR-1331-U67141

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2015</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST. 12	Laporan Tahunan dan Penyata Kewangan Universiti Sains Malaysia (USM) Bagi Tahun 2013	17 Mac 2015
ST. 14	Laporan Tahunan dan Penyata Kewangan Universiti Kebangsaan Malaysia (UKM) Bagi Tahun 2013	17 Mac 2015
ST. 17	Laporan Tahunan dan Penyata Kewangan Universiti Utara Malaysia (UUM) Bagi Tahun 2013	17 Mac 2015
ST. 18	Laporan Tahunan dan Penyata Kewangan Universiti Malaysia Pahang (UMP) Bagi Tahun 2013	17 Mac 2015